

- 1' Wer spricht das gott barmhertzig sy
- 2' Alleyn / vnd nit gerecht dar by
- 3' Der hat vernünfft wie genß vnd sü

Kap. 14



### von vermessenheyt gotz

- 1 Der schmyert sich wol mit esels schmaltz
- 2 Vnd hat die büchsen an dem halß
- 3 Der sprechen gar / das gott der herr
- 4 So bärmyg sy / vnd zürn nit ser

---

2' vnd nit gerecht GW5046 GW5047 ] vnd [handschriftlich: nit] gerecht GW5041

5 Ob man joch ettwan sünd volbring /  
 6 Vnd wygt die sünden also gering  
 7 Das sünden ye sy gantz menschlich  
 8 Nûn hab doch gott das hymelrich  
 9 Den gensen ye gantz nit gemacht  
 10 So hab man allzyt sünd volbracht  
 11 Vnd vohe nit erst von nuwem an /  
 12 Die Bybel er erzelen kan  
 13 Vnd ander sunst hystorien vil  
 14 Dar vß er doch nit mercken will  
 15 Das allenthalb die stroff dar nach  
 16 Geschriben stat / mit plag vnd rach /  
 17 Vnd das gott nye die leng vertrüg  
 18 Das man jn an eyn backen schlug /  
 19 Gott ist keyn böhem / oder Datt  
 20 Jr sprochen er doch wol verstat /  
 21 Wie wol syn barmung ist on moß /  
 22 On zal / gewiecht / vnnentlich groß /  
 23 So blibt doch syn gerechtikeyt  
 24 Vnd strofft die sünd jn ewikeyt  
 25 An allen den / die nit dünt recht  
 26 Gar offt / biß jnn das nünd geschlecht  
 27 Barmhertzikeyt die leng nit stat  
 28 Wenn gott gerechtikeyt verlat /  
 29 Wor ist / der hymel *ghört* nit zû  
 30 Den gensen / aber ouch keyn kü  
 31 Keyn narr / aff / esel / oder schwyn  
 32 Kumbt yemer ewiklich dar jn /  
 33 Vnd was *ghört* jn des tûfels zal  
 34 Das nymbt jm nyeman über al /

c4r

c iij

---

27 Barmhertzikeyt *GW5046 GW5047* ] Barmhertzigkeyt *GW5041*    29 *ghört* ] *kört* *GW5046*  
 34 über *GW5046 GW5047* ] vber *GW5041*    al *GW5046 GW5047* ]    ol *GW5041*